

茅山志卷之八

上清嗣宗師劉大彬造

稽古篇

天市壇定錄君受言天市壇石之下正當洞天之中央玄窓之上也此石是安息國天市山石所以為名也玄帝時召四海神使運此磐石於洞天之上耳舊記在積金山頂隱居云天市壇石未知的何處在以騰輪迹而言隱董正應大茅左右又疑洞天中央不應迺近南門復恐中茅間邑人者老亦不復知處

一曰仙人市壇真誥保命赴趙威伯善彌如百鳥雜鳴或如風激衆林或如伐鼓之音時登天市壇上奮舞北向長嘯呼風須臾雲翔其上衝氣動林或冥霧凝合零雨其濛矣

騰輪迹真誥昔東海青童君曾乘獨騰飛輪之車通按行有洞臺之山隱居云今大茅嶺上向東行有路傍山平治狀如人功足通軌轍相傳此為騰輪迹夫真人常御九龍左勝名騰右服名欽既履山頂故指乘其左勝

姜巴路定錄君受言秦時有道士周太賓及

巴陵侯姜叔茂者來住山下種五果并五辛菜叔茂以秦孝王時封侯今名此地為姜巴者是矣隱居曰今大路從小茅後通延陵即呼為姜巴路也但秦孝公時未并楚置郡巴陵縣始晉初立不知那有巴陵之封恐是巴蜀之巴也

雷平池在雷平山前真誥周時有雷氏養龍于此定錄君受言今舍前塘迺四朝所造也高其墻岸蓋水得深但歷代久遠塘墻頽下耳四朝常乘小船游戲其中每叩航而歌

歌曰清池帶靈岫長林鬱青葱玄鳥藏幽野
 晤言出從容鼓楫乘神筱稽首希晨風未獲
 解脫期逍遙兵林中一其

浪神九城外研道逐金真哉此靈鳳羽藏我
 華龍鱗高舉方寸物萬吹皆垢塵願哀朝生
 總執畫汝車輪其二

游空落飛騰靈步無形方圓景煥明霞九風
 唱朝陽揮翮扇天津曉霧卿雲翔遂造太微
 宇把此金梁敷道遠玄坡表不存亦不亡其三

駕騰僂神霄故霞帶九日高皇齊龍輪遂造

北華室神虎洞瑤林風雲合成一開闔幽冥
 戶靈變玄跡滅其山下居民今猶呼一平澤
 地為郭干者是四朝之姓尚存於民口乎
 赤石塘定錄君與許長史三月一日書云今
 當墜赤石田為往來之階而竟不就事也長
 史答書云昔占赤石田利近山下為往來之
 階此迺丹誠尋過天旱佃不收塘壞務尋見
 用出此事力未展非為息懷今方居山下故
 當修整以此去洞口遠故不欲安耳隱居云
 此田迺在大茅中茅之西去大山近瞻仰禮
 拜迺佳而去洞口遠當是道去北洞口遠
 耳此田雖食澗水旱時微少塘又難立不知
 後當遂墜之不今塘尚闕補築當用數百夫
 則可溉田十許頃隱居館中門人亦於此隨
 水播殖常願修復此塘以追遠迹且兼為百
 姓之惠也

田公泉即柳沂泉一名柳谷泉在雷平池東
 南一里定錄君受言華陽雷平山有田公泉
 飲之除腹中三蟲與隱泉水味同云是王沙
 之流津也用以浣衣不用灰以此為異蓋古

有田叔者居雷平山後得道名泉以此
 茅君丹井在下泊宮
 李真人井玄洲真人李明鍊丹井在鬱岡方
 隅洞之東
 許長史井在玉晨觀隱居云大明七年有述
 墟父老徐偶云先祖伏事許長史相傳識此
 宅只在今解前烏柏樹處應是似猶有齋堂
 前井存于時草萊蕪沒即及除尋覓果得碑
 井土已欲滿仍掘治更加鑿累今有好水色
 小白或云似長安鳳門外水味也二口共一
 水冬月氣分寒煥一名陰陽井
 葛洪井在菴村山庵稚川丹陽句容人許長
 史孫黃氏娶稚川孫女相傳山居其處
 陶真人丹井在華陽上館前石橋之東水甘
 冷遇旱不竭政和初道士莊慎質修索得之
 初去土三尺許得石井欄已破段合之尚全
 環刻大字云先生丹陽陶任齊奉朝請壬申
 歲來山棲身高靜自號隱居同來弟子吳郡
 陸敬游其次楊王吳戴陳許諸生供奉階宇
 湖孰潘邈及遠近宗稟不可具記悠悠歷代

詎勿識焉梁天監三年八月十五日錢唐陳
 懋宣書及見碑甃又穿數丈獲一員研徑九
 寸許列十一趾滌之朱色粲然又一鶴尾銅
 鑪仍見沙石間有丹一粒大如莢實光采射
 人亟欲取之隨墮井中鑪研藏華陽經寇攘
 亡之又一井在靈寶院周真人池側亦隱居
 丹井也
 昭真臺真語翼真檢叙論真經每云還封昭
 臺蓋隱居宗修揚許三真上法此為藏經之
 室山中久經盜竄實書真蹟散逸無餘雖有
 志學之士何田復見真人手澤至此慨歎而
 已玉晨觀靈寶院即其地
 青壇素塔按舊館壇碑東位青壇西表素塔
 今塔已廢壇亦非舊初皆隱居所建表兩教
 雙修之義當在玉晨觀
 昭明太子福鄉井在南洞讀書臺東
 昭明太子讀書臺在福鄉井上
 明皇受錄壇在玉柱洞側
 越翳王塚在大橫山下定錄君受言鬱岡山
 正東面有古時越翳王塚隱居云越翳王是

卷之六

勾踐四世孫初不肯立逃入胥山穴國人燻
出之後於吳徙還會稽以周宣王十一年為
孫諸咎所殺不知那得遠來葬此或當有神
異處也今尋視未見指的墳塚而如有兆域
處者又按至德遜王吳太伯初逃向曲山中
足知茲山為聖賢棲託自古然矣

隱居幽館在雷平山西南宋元祐初中貴人
羅淳一學道山中嘗意隱居之藏有丹砂異
書一日穴墓往觀焉唯鐵繩懸一空棺內有
一劍并孟鏡各一而已其壙甃甃環繞相次
成文隱起甃上其文曰華陽隱居幽館勝力
菩薩捨身釋迦佛陀弟子太上道君之臣修
上乘之六度 之三真懋靈獄以委迹
游太空以棲神書蹟神妙當是隱居手書墓
既開道士輩遂摹此符文以示世人淳一後
亦得尸解之道元祐六年長樂林希子中所
傳如此
隱居鍊丹爐迹在華陽上館其地以水巽試
之遠巡地乾如月暈然
王法主墓在常寧鎮北路東唐太平觀華表

在
桐相先生墓在隱居幽館之右
玄靜先生墓在伏龍岡西南去雷平池二十
步
韋宗師墓在玄靜先生壽宮之左

茅山志卷之八

正一天師清微弟子 洪百堅 製作
道教學術資訊網站

茅山志卷之九

龍八

上清嗣宗師劉大彬造

道山冊

道德經五千文

按登真隱訣隱居云老子道德經有玄師

揚真人手書張鎮南古本鎮南即漢天師

第三代系師魯魏武表為鎮南將軍者也

其所謂為五千文者有五千字也數系師

內經有四千九百九十九字由來闕一是

作三十輯應作州輯蓋從省易文耳非

正體矣宗門真蹟不存今傳五千文為正

本上下二篇不分章

上清大洞寶經篇目

上清大洞高上三十九章經

上清金真玉光經

上清八素真經

上清九真中經

上清金根玉經

上清躡行七元經

上清七十四方經